

म  
हा  
स  
त्व  
जातक



भिक्षु सुदर्शन

# महासत्त्व जातक

प्रकाशक:-

अणिमण्डप दायक मभा  
धनगावहिल, ललितपुर ।

द्वितीय संस्करण

१०००

मू

१/२५

बुद्धाब्द २५२१

वे. सं. १०९८

## द्वितीय प्रकाशन

भगवान् दुद्वया जन्म भूमी भी नेपादेँ त्याग व तपस्याया  
आपालं सू दुगु श्व मानव जगते वस्पालया बोधिचर्या नं आपालं  
आपा महत्व न्याय् व सत्य जक मखु करुणा व दयाया नं अविरल  
वर्षा याइगु श्व महासत्व जातक खः । थुगु ज्याय् प्रथमतः लेखक  
पूज्य सुदर्शन भन्तेया विशेष कोशिस व न्हापाया प्रकाशक श्री मती  
चन्द्रलक्ष्मीया कृत प्रशंसा याय् वटःजु ।

म्हापायागु पुस्तकया जनप्रयतां याता पुस्तकया अभाव जुगुलि  
याता थुगु द्वितीय प्रकाशन याता च्वनागु खः ।

थुगु ज्याय् पूज्य ज्ञानपूर्णिक भन्ते व प्रेसया साहु श्री  
कुलनरसि शास्त्रया प्रुफ आदि ज्याय् गुहाली प्रति वृत्तज्ञता प्रकट  
यासे श्री हेराकाजी मुजिकायागु मेहनट नं आपालं प्रशंसा याय्  
बहजु । अथेहे मणिमण्डप विहारया कमथ पासापितिगु ज्यानं  
लुमके बहःजु गुकीयाना थुगु पुस्तक पिहां वया च्वन । नमो बुद्ध  
(नम्राय्) बुद्ध पूजा नं न्यायका थुगु पुस्तक पिकागु जुल । अथेहे  
थुजागु **महाविजय** भोगु मेमेगु पुस्तकत नं छगू निगू याना  
आपाल मिहां वइ तिनि धैगू आशा व विस्वास याना च्वना ।

प्रकाशक.

## मणिमण्डप दायक परिषद

ल. पू. पटको ।

# जिगु खँ

म्ह्यागुं मती लुइके धयागु गुलि अःपु, व मती लुइकागुथें ज्यां पुरे याये धयागु उलि हे थाकु । भन व मती तयेगु साधारण-व्यावहारिक ज्या मखया धार्मिक ज्या जू वनीबले ला पुरे याये धयागु हे विशेष थाकु खनि ! थ्व खँया ज्ञान भोगु 'नमोबुद्धाय' ( नमूरा ) धयागु बोधिसत्वया छगू त्यागमय जीवन स्मृति बोगु ऐतिहासिक थासे छुं पुण्य यानाबले जित बांलाका हे दत ।

'नमोबुद्धाय' या महत्तां जिगु नुगले थ्यगु वा अन जिगु श्रद्धा वंगु न्हेंदंया उमेरबले निसें जिमि अजिया पाखें खः तर अयनं शैशव कालं निसें थये थुखे जिगु श्रद्धा वंगु खःसां श्रद्धा हे जक वन, देँ देँ वा बारबार थःगु म्ह जकं अन थ्यन, छुं याये धयागु विचाः नुगले मलू ।

निकोगु बार पूज्य नारद भन्ते नेपाले बिज्यात । अबले वसपोल 'नमोबुद्धाय' नं बिज्यात । हानं अन आपालं उपदेश बिया बिज्यात, खँ ल्हाना बिज्यात । तर छता खँ जिगु नुग ले सारै हे थिल । वसपोलं धया बिज्यात, 'थ्व थाय् मेमेगु देशे लाःगुसा गुलि बांलाका तये धुं कल जुइ ।'

अले जि चाल, थपाय्धंगु पुण्यप्रद थासे छुं स्मृति-चिन्ह विशेष मदु, वइ-चवनीपिते छुं सुविधा मदु । जिगु मने छुं इच्छा जुल । आपालं महानुभावपिके धर्म-पासापिके सल्ला कया, विचाः कया । अले थः काय्, भौ, म्हाय् आदि परिवारपिनि स्वीकृति नं दयेवं जि अन वना ।

छेँ येँ, ज्या भवँ देशं उखे; दयेकेमाः च्वे पर्वते, सर्व प्रकारया साधन जुया चवनी च्वे ! थुकि नं जि छुखे मनं तुनाथे ज्या याये मफुत, मेखे स्वयम्भू आदि पर्वत च्वेच्वे दयेका वंगु चेत्यादिया

(आ)

पुण्यार्थितये श्रद्धा व प्रयत्न गुलि जक बल्ला, गुलि जक स्यल्ला  
जुइ धयाथे मती वन ।

यःगु थजु गबले छकु लःयात च्याना तक ध्यवा वंसा गबले  
लः हे आकश वःगु मुना कया फया कया, हानं सु सु ध्वःदुल वयाके  
वयाके सहयोग कया । विशेषतः श्री बुद्धरत्न, श्री कांछा लामा,  
मा. आनन्द मुनि, श्री तेजरत्न, श्री दानरत्न व श्री तःधी, पांगा,  
भोंदे, फपि, यँ, यल, खवप, सक्त्र व चाय्वही देशया धर्मप्रेमीपिनि  
सहयोग कया जग तया च्याला लिपा प्यता ज्या सिधल—

१. महासत्त्व थःगु शरीर त्याग याना धुँयात ला नकेत  
पर्वत कुतु वःगु पर्वत चक्काय् छगः चैत्य,

२. ला ध्यना नका बिज्याथाय् ला ध्यना नका बिज्यागु हे  
किपा तःगु ल्वहँया स्मृति—चित्र व चैत्य

३. थन हे नापं छगू सतःचा,

४. धर्म—विवेक धयागु छपु लँ ।

खयत ला धर्म याये धयागुली संतोषी गबलें जुइ मज्यू, तर  
अय्त्तं नाप नाप धर्म धयागु भतिचा जक याये धु सा मन सोमनस्स  
यायेमाः धयागु उपदेश दु । उकिं केवल थ्व अर्थे आः जिगु मने  
हर्षया स्वां ह्वः ।

आः ला अन सरकार व जनताया श्रद्धाबल हिटीं लः नं  
हाल अर्थात् हिटी दत्त । मोटरया लँ थ्यन । जिगु कामना दु,  
उगु पवित्र भूमिया सत्कार नेपाःमिपिनि पाखे जुया उगु ऐतिहा-  
सिक स्थानया बालाक सुरक्षा व्यवस्था जूगु स्वये दयेमा तथा  
अनया वसपोल महासत्त्वया आदर्श भति भति जक जूसां दर्शक  
श्रद्धालुपिनि नुगले त्याग—चित्त प्यपुना वयेमा ।

—चन्द्रलक्ष्मी उपासिका

# लिसा

संसारया कथा-साहित्ये जातक कथाया थःगु हे महत्वपूर्ण स्थान दु । मानव जीवनया गुगु अजागु शैद्धान्तिक व व्यावहारिक पक्ष मदु, गन जातक बाखन आपाः भति थ्यू मव । शायद उकिं हे जुइ थ्वया गुलिखे बाखंत अनेकानेक कथ विकृत रूप ज्वना भिन्न भिन्न नाम विश्व-व्यापक रूपे उखें थुखें चिच्चाय् दना च्वंगु ।

जातक कथाया मूल भावे ऐतिहासिक तथ्य वा तत्त्वत मालेगु विद्वान्तयेगु विशेष ज्या खः । अयनं पाली भाषाय् गुगु जातक कथा दु वया प्राचिन प्रामाणिकता पुरातात्विक तथ्य हे क्यगु भीस याउँक खं । अजन्ताय् हे जक विश्वन्तर महाहंस आदि किनिपु जातकया चित्र दु, सांची व भरहुतया स्तूपतये छ्वाल च्वगु त्वहँया पःखाले (वेष्टनी वा रेलिङ्गे) जक स्वीपु मयाक जातकया बाखया प्रमुख दृश्य किया तःगु दु वथे सस जातक आदि जातकया चित्र दुगु त्वहँया टुकात मद्रास आदि म्यूजियमे अन थनं लाना च्वंगु गुलि दु अले गुलि पृथ्वीया गर्भे हे तिनि थ्व अन्वेषणया विषय तिनि ।

‘चुल्ल निद्देस’या उल्लेख कथं पाली जातक कथा न्यासःपु जक खः । तर थ्व संख्या लुमंकेत जक खः, धात्थें ला जातक बाखत न्यासः व पीन्हेपु हे दु धाइ । परन्तु थये निर्णयात्मक रूपे धायेगु अन्वेषणया लँपुइ न्हपनेगु खः ।

जातक बाखत यद्यपि अनेक नाम अनेक प्रकार थ्वया भिन्न भिन्न ग्रन्थ दु । अयन उलि मध्ये चरिया पिटकया खें विशेष बिचाः याये वहः जू । चरिया पिटक त्रिपिटक अन्तरगतगु छगु ग्रन्थ खः

( ख )

थुकी बुद्धया दान, शील, नैष्कर्म्य, प्रज्ञा, वीर्य, क्षान्ति, सत्य, सकल्प, मैत्री, उपेक्षा भिगू पारमिताय् केवल संक्षिप्तीकरण भावे न्हापांगु स्वंगू व क्वेयागु प्यंगू जम्मां न्हेगू पारमिताया उल्लेख जुया च्वंगु दु ।

बुद्ध जुइत माःगु पूर्णता प्राप्त यायेगुयात हे पारमिता पुरे यायेगु घाइ । अले थ्व पुरे याना च्वनीगु जोवनयात बोधिसत्व जीवनं घाइ । बोधिसत्व जीवन वृत्तान्त हे जातक कथा खः । थ्व अर्थे सम्पूर्ण जातक हे पारमिता पुरे याना बिज्याना च्वंबलेया वर्णन खः । तर अय्न् थ्व चरिया पिटकं बुद्धया पारमिताय् संक्षिप्तीकरण याना तःथें छलें थ्व भद्रकल्पया चर्या जक समावेश यानागु उल्लेख मेखें जातके न प्रत्यक्ष सार्थक सिद्धगु जातक कथा जक उदाहरणार्थ कया तले । हानं थुपि फुक्कं ( ३५ गू ) जीवनं वृत्त वा चरिय ५४७ पालो जातक कथाय् दुगु जुया न केवल मात्र 'महागोविन्द चरिय' छगू जातक पिनेया जू वंगु घात्थें विशमयजनक खः । थ्व चरिय प्रामाणिक खः, छाया-सा थुकीया उल्लेख दीघनिकाये जुया च्वंगु दु गथे अन्यान्य जातकया चर्चा अन्यान्य निकाये जू । उकि ५४७ जातक कथाय् थ्व छपु नं दुथ्याकः वने फये यः अथवा जातकया वास्तविक संख्या ५४७ पु अप्वः जुइ फये यः धका जक धायेगु हे न धृष्टता जुइथें जि मत्ताः । थ्व हे सिद्धान्त ज्वना अन्वेषणार्थ हे ला मखु अय्न् अध्ययनार्थ जि नेपाले प्रचलित ३२ पु जातक कथा धाःगु व्वनागु । ( १०८ पु जातक कथा धाःगु व्वनेगु सौभाग्य प्राप्त मेजुनि । )

जि व्वनागु जातक कथा जित मती वन, नेपाःया प्रचलित गुलिखे जातक प्राचीन खःसा, गुलिखे मखुथें जाःगु भाव कथा-बस्तुया पहलें कय । भद्रकल्पावदान, बोधिसत्त्वावदान, विचित्र-

( ग )

कणिकावदान, दिव्यावदान अन्तरगतगु प्रायः जातक वाखंतये मूल-  
तत्त्व अप्वः अंशे पाली जातकया लिक्क लिक्क लाः व धयागुं  
धापू दु । नेपाःया प्रचलित जातक मध्ये गुगुं जातकया समाप्ती  
थुपि अवदानया नां अंकितं जुया च्वगु दु । हान गुगुं जातकं  
घाःसा भीत शंकराचार्य बुद्धगयाय् व अनं थनं थथे थथे याइ  
वा याः वइ धका भविष्यवाणी रूपे खँ न्हयना च्वंगुलि थ्वया  
नूतनता नं क्यथें जि अनुभव याना ।

यःगु थजु, जि ब्वनागु जातक वाखंत मध्ये पाली नाप मिले  
जुगु विश्वन्तर, वीरकूश जातकया सिलसिलाथें हे मेगु निपु जातक  
नं जित बांला ताल, छपु मणिचूड जातक खः, मेगु थ्व हे महा-  
सत्त्व जातक । थुपि निपु वाखने नं मेमेगु वाखनेयें भाषा, भाव  
अभिव्यञ्जन व कथा शैली जातकीय समता खने दु । हान जात-  
कया फुक्क वाखंया वर्तमान वैज्ञानिक दृष्टि सम्भव स.ध्ये ध्यान  
तया ऐतिहासिक तथ्य हे मांः वसा गुलिखे पालो जातके हे तकया  
वकालत यायेत जिनि थंःत असमर्थ प्रकट यायेमाः ।

मेगु खँ जातक कथाया उद्देश्य बुद्धया वर्णात्मक ऐतिहासिक  
तथ्य क्यनेगु जक मखु, अपितु मेगु नं छुं खः । थ्व 'छुं' या खँ  
थुइकेत ख्याति-प्राप्त चिनिया यात्री इत्सिङ्गया धापू लुमंके बहः  
जू । वेकःया धापू खः, 'साधारण जनतां निसं कयाः विद्वानपित  
थ्येकं प्राणिमात्रयात मोक्ष तत्त्वयागु परिचय बांलाक अःपुक  
थुइका बीगु हे जातक कथा निर्मितिया उद्देश्य खः ।' थ्व दृष्टि  
स्वःसा त्यागया निति मणिचूड जातक व महासत्त्व जातकं नं  
सिद्धि जातकं व सस जातकं सिबे छुं म्ह प्रेरणा मब्बू । उकि जित  
हर्ष दु, नेपाले जातकया ख्याति सुरक्षित निपु महत्वपूर्णगु रोचक  
जीवन वृत्त मध्ये मणिचूड जातक बुटबलं श्री बोधिरत्न वज्रा-



( घ )

चार्यया सम्पादने त्रिरत्न दान पात्र संवं प्रकाशित रूपे हये धुंका  
थौं श्रो आदिवज्राचार्यं चवया बिज्यागु संक्षिप्त कथंगु महासत्व  
जातकया प्रकाशनं लिपा भति विस्तृत कथंगु थ्व महासत्व जातक  
न श्रीमती चन्द्रलक्ष्मी उपासिकाया श्रद्धां पिहां वया चवन ।

महासत्व जातके जि भतिचा खत तनेगु व्वकायेगु याना  
चवया यंका । केवल थ्व हे अर्थे जक जि थुकिया च्वामि खः वा सुं  
खः । श्रद्धालु उपासिकाया आग्रह अनुरूप जि फत्ति फत्तले पुलांगु  
धार्मिक बाखें न्यनेगु समये रस स्वादन याकीगुर्थे जाःगु तत्वयात  
त्यका अःपुगु शब्द तयागु दु । अय्नें जिगु पाखें छुं प्राचीन कथा-  
त्मक तत्वया हनन याः वसा अले दूर्वोध शब्दत लाः वंसा जि  
क्षमा याचना याना ।

अन्ते थ्व महासत्वया जीवन-वृत्त न्यना थथे त्याग याये  
मफुसां वा म्हांसां कम से कम थःथः नये थःथः जक त्वने घयागु  
कवः बुद्धि छगू मदयेकेत जक छुं सहायता जूसा थगु अल्प परि-  
श्रमयात सार्थक भाःपी । आखिर भीसं न्हापा छपु बाखनं बिया  
तइगु वा ज्वंका तइगु नैतिक बल गुगुं नं गुगुं कथं कया व्यक्तिगत  
जीवन व समस्तिगत जीवन सुखमय शान्तिमय यायेगु सुयात  
करं मक्य ?

श्रीचः विहार, नःघः टोल,

कान्तिपुर, नेपाल ।

प्रतिपदा प्वहेलाथ्व '१०८१

भिक्षु सुदर्शन

नमो तस्स भगवतो अरहतो सम्मासम्बुद्धस्स

## महासत्त्व जातक

वर्तमान-खं

भगवान् बुद्ध संसारया प्राणीपिन्त उद्धार यायेगु निति गामं गामे, निगम निगमे, जनपदं जनपदे, नगर नगरे. देशं देशे चारिका याना बिज्याना च्वन । छकः थथे हे अ युष्मान आनन्द प्रमुख आपालं थः शिष्यपि नाप पांचाल धयागु देशया लिक्क च्वंगु गन्ध-कूट पवते थ्यंकः बिज्यात । थ्व पवत धा.सा वनान्तरे लाना वाउँसे-वाउँसे च्वना त.सक हे मन याउँसे च्वंकिगु जुया च्वन । थन थ्यनेकं भगवान् बुद्धयात पलख बिश्राम यायेगु इच्छा जुल । उकि वसपोलं आनन्दयात आज्ञा जुया बिज्यात— 'आनन्द, स्व-स्व, थ्व थुगु वनान्तरे च्वंगु पर्वत गपाय्सकं शान्त जुया नं न्ह्याइपुसे च्वं, न्ह्याइपुसे च्वना नं मन-मिन हे याउँसे च्वका व्यू । अने तनेगु जात जातया स्वां ह्वया च्वन, अने तनेगु जात जातया फल सया च्वन, थुजागु वनान्तरे ला भी बाय् हे च्वने त्वः ।'

भगवान् बुद्ध थथे आज्ञा जुया बिज्यायेवं नाप चारिका याना च्वंपि शिष्यपिस वसपोल फेतुइत आशन ठीक याना बिल । हानं इमिसं बिन्ति यात; 'भगवन, छल्पोलया शरीर भवानि सिचुका बिज्याहुँ ।'

भगवान् बुद्ध अले उगु आसत्ते फेतुना बिज्यात । वयां लिपा शकर्मल निसें त्वःत्वःगु थासे सकल भिक्षुपि नं फेतुत । हानं इपि भिक्षुपिसं भगवान् बुद्धयात बिन्ति यात, 'भगवन, छल्पोलं आज्ञा

जुया बिज्याथें थ्व वनान्तरं घाथें मन-मिन हे याउँसे च्वंका ब्यू ।  
उर्कि भगवन, थुजागु थासे निर्वाणया लेंय् वनेत तिवः जुइगु  
मनूतयेत हित व कल्याण जुइगु धर्म-खें छकू आज्ञा जुया बिज्यात  
घाःसा साब हे उत्तम जुइ ।

भिक्षुपिनिगु थ्व बिन्ति न्यना भगवान बुद्धं आज्ञा जुया  
बिज्यात, 'हे भिक्षुगण, परापूर्वं काले तःधंगु दुष्कर चर्या याना  
वम्ह छम्ह बोधिसत्वयागु छपु जीवन-चर्या न्यनेसा जि थन कने ।'

भगवान बुद्धं थथे जक आज्ञा जुया बिज्यायेवं फुक्क भिक्षुपिसं  
अति हे लय्ताया विनम्र बिन्ति यात, 'भो शाक्यसिंह जिमि भाग्य  
न धन्य खः । छायाःसा गुम्हसँ संसारया कारणे दुष्कर चर्या  
याना बिज्यात, उम्ह महापुरुषया जीवन-वृत्त न्यना तःधंगु ज्ञान—  
खँ सीकेगु थुइकेगु अवसर दइन ।'

अले भगवान बुद्धं थः फेनुना बिज्यागु भूमो स्वकः ल्हाति  
स्पर्श याना बिज्यात । भगवान बुद्धं थथे स्वकः भूमी ल्हाति स्पर्श  
यायेवं थुगु थास भूमी तःज्याना चेत्य छगः च्वे थहाँ वल । थथे  
भूमि चेत्य सृष्टि जूगु खना आनन्द भिक्षु प्रमुत्र फुक्क भिक्षुपि  
अत्यन्त आश्चर्य चाल । हानं चेत्यया दर्शनं आश्चर्य चाःपि  
भिक्षुपिसं भगवानयात बिन्ति यात, 'भो भगवन, थुगु चेत्य सुनां  
दयेका तःगु ? थ्वया विषये जिमिसं छु मस्यु कृपा पूर्वक थ्व  
विषये जिमित आज्ञा जुया बिज्यात घाःसा अतिकं उपकार जुइ ।

भिक्षुपिसं थथे बिन्ति यायेवं महाकारुणिक तथागतं आज्ञा  
दयेका बिज्यात, 'हे भिक्षुपि, थ्वया विषये विस्तार खँ जि  
कने ।' भिक्षुपिनि पाखे स्वया थथे आज्ञा जुया बिज्याये धुंका हानं  
आनन्दया खाः स्वया आज्ञा जुया बिज्यात, 'स्व आनन्द, आम  
चेत्यया दुने तःधम्ह महापुरुषया अस्ति दइ ।'

भगवान् बुद्धया वचनं कथं आयुष्मान् आनन्द चैत्यया दुने  
 दुहाँ वन । अन आनन्दं तसकं तेज पिहाँ वया च्वंगु तुइसे यच्चसे  
 च्वंगु फटकिरया उनर्थे च्वंगु अस्ति खन । थुगु तेज खनेव आनन्द  
 अत्यन्त आश्चर्यं चाया उगु अस्ति मकासे तुं पिहाँ वया हानं  
 बुद्धयात विन्ति यात, 'भो भगवन, छल्पोलं आज्ञा जुया विज्याथें  
 चैत्यया दुने अस्ति दु । उगु अस्ति फटकिरया उनर्थे जः पिहाँ वया  
 च्वन । थ्व जः खना जि अत्यन्त विश्मय जुया छल्पोलयाके  
 विन्तिनि याये धका वया । थुजागु अद्भूतगु तेज ला गबलें जि  
 स्वये नं मनंनि ।'

आनन्दया खँ न्यन्यं भगवान् बुद्ध मुसुहुँ न्हिला विज्यात ।  
 हानं वसपोलं आज्ञा जुया विज्यात, 'हे आनन्द, व अस्ति कया  
 हति ।'

घात्थें हानं भगवान् बुद्धया आज्ञा कथं आनन्द चैत्य दुने  
 दुहाँ वना अस्ति कया हल । अले हान व अस्ति भगवान् बुद्धया  
 न्हयोने तया विन्ति यात, 'भो शाक्यसिंह, थ्व अस्तिया महिमा  
 जिमिसं छुं हे मस्यूनि । उकिं थ्वया विषये जिमित आज्ञा जुया  
 विज्याहुँ ।'

थये हानं आनन्दं विन्ति यायेवं भगवान् बुद्धं आनन्दया स्वाः  
 स्वया आज्ञा दयेका विज्यात— 'हे भिक्षुपि, थुगु अस्ति सुं  
 मेपिनिगु अस्ति मखु, धुँया आत्म संतोष याना संसारया सकल  
 सत्त्व प्राणीपि उद्धार यायेत जि थःम्हं हे न्हाषाया छगू जन्मे  
 दानपरमत्थ पारमिता पूण यानाबलेयागु अस्ति खः ।'

थुकथं अस्तिया महिमा न्यके धुंका फुक्क भिक्षुपिन्त अस्तिया  
 दर्शनं लिपा हानं भगवान् बुद्धं आनन्दयात लः ल्हाना छं गन  
 कया हयागु खः, अन तये यंकि धका आज्ञा जुया विज्यात ।

आनन्दं नैथुगु अस्तियात नमस्कार याना गनं कया हयगु खः  
अन तुं लित तये यकल । अले भगवान बुद्धं आनन्द प्रमुख सकल  
भिक्षुपिनिगु ख्वाः स्वया सकसिनं एकचित्तं याना न्यनेगु उजं जुया  
महासत्त्वं चयेया आज्ञा जुया बिज्यात ।

### पूर्वकथा

न्हापा न्हापा श्व पवंतं भति उखे गंधवतिपुरे घेयागु छेगु  
नगर दु । श्वे नगरे महारथ घयाम्ह जुजुं राज्य याना च्वन । श्व  
महारथ जुजु साव हे न्याय व नीति सः स्यूम्ह, शास्त्र बिद्यादि  
पारगत जुया महापराक्रमोम्ह, अले नाप नापं तःसक दया-करुणा,  
त्याग-तपस्यादी नं धर्मात्मांम्ह नं जुया च्वन । हान जुजुया छम्ह  
महारानी दु । वया हे पाखे महाप्रसाद, महादेव व महासत्त्व  
धेयापि स्वम्ह काय्पि नं दुगु जुया च्वन ।

छन्हुया दिने स्वम्हं राजकुमारपिनि थिथि सल्हा याना वन-  
क्रिडा स्वः वनेगु इच्छां थः अबु जुया च्वंम्ह जुजुयाके बिन्ति याः  
वन । जुजु महारथं नं थः स्वम्ह प्राणर्थे यःपि काय्पिसं याःगु  
इच्छायात लिगने मफया वचन बिल । अले थः अबुया वचन जक  
दयेवं महाप्रसाद, महादेव व महासत्त्व स्वम्हं राजकुमारपि तसकं  
लय्लय् ताया वन विहार योये व वनक्रिडा स्वये घका थःगु  
राज्यं पूर्व दिशा पाखे लांगु गंधमान पर्वते मत्रीपि प्रमुख आपाले  
शून्य सिपाहीत नाप सले-किसि थःथःपिसं नं गया मेमेपिन्ति नं  
गेयेका नाना प्रकार बाजा थाका खुब उत्साह थःगु देशं पिहाँ  
बिज्यात ।

थःगु देशं पिहाँ बिज्याना ववं ववं थुखे थःगु देश भभं ल्यूने  
लाना तापोना वन, गंधमान पर्वत न्ह्योने सतिना वल । कथथे  
वनास्तरे नं थ्यन ।

वने घाःसां नाना प्रकारया स्वां व्हया च्वंगु खः । उक्विसं  
राजकुमारपित स्वां घयागु स्वम्हंसित साव हे यः । उकि स्वांया  
गोभ राजकुमारपि स्वम्हं लयलय् नातां भभं वनान्तरे दुहाँ  
बिज्यात । गवलें स्वां थवया, गवलें स्वांनं थवं थवे कयेका ख्याः  
पाना, मे हाला नाना प्रकारं रसं रग यायां च्वंबले छखें इमिगु  
प्रापाल ई वगु इमिसं मचाल मेखें इपि दूर वनान्तरे लाः वःगु  
होश मत । थथे हें जुजुं लिपा मंत्री, सिपाही आदि फुक्कं छखे छखे  
जात, राजकुमारपि जक मेखे लात ।

थुखे मंत्री व सिपाहीतयेसं राजकुमारपि स्व बले छम्हं खने  
मंत । न्हापां ला उखे वने दुने दंडनि घयाथें मती । तर लिपा उखे  
थुखे गनं मती त तःथाय सः सः तिकं लुइके मफयेव तःसकं धन्दा  
जुले । हानं मामां लुइके मफुपेलि अने शैत्य सिपाहीत सःता मंत्री  
घाल, 'का स्व शैत्य सिपाहीत, भोसं आतकं राजकुमारपि लुइके  
मफुनि । उकि छिपि सकलें थ्व गन्धमान पर्वतया दिशा दिशा पति  
चाहिला राजकुमारपि गन खः स्वः हु' ।

मंत्रीया आज्ञा शिरोपर याना फुक्क शैत्य सिपाहीत दिशा  
दिशा पति उखे थुखें वना माः वन । तर प्यंगू दिशाया माला नं  
लुइके मफु । राजकुमारपिनिगु सः जक हे नं ताये मदु । गुलिसिया  
विचारे ला थथे नं वन, 'भ्रिपि छखे लाये ' राजकुमारपि सकलें  
भो लिहाँ वने धुकल घका लिहाँ बिज्यात जुइमाः ।' थथे मती  
लूपि शैत्य सिपाहीत जक भति हथाय् पथाय् मचासे वनान्तरे  
चाहिला चवन । हानं गुलि शैत्य सिपाहीत मामां उखे थुखे जुजु  
नं लुइके मफया निराशां थः थः ख्वाः ख्युंका म्हे स्यः मदुपिथें थाके  
जुया अथें च्वनां चवन । गुलि शै य सिपाहीत मालावं वना चवन ।  
गुलि शैत्य सिपाही व गुलि मंत्रीपि घाःसा राजकुमारपि आखिर

वनान्तरे गन दथुइ लाना चवन धका बिचा. याः लिसे नुगः पिपि-  
 च्याका, मती खँ काचाकाचां कायेका, बिचार बुद्धि भभं कःको  
 स्वःथें स्वयेका चवन । गुलि मंत्रीपि व शैन्य सिपाहीत धाःसा राज-  
 कुमारपि माला माला नं लुइके मफया छखें राजदण्डया भय  
 ग्याना मेखें राजकुमारपिनि मायां साला मने अत्यन्त दुःख जुइका  
 चवन । तर उखे राजकुमारपि धाःसा गबलें जंगले ह्वया चवंगु स्वां  
 भभं थवया थवं थवे कयेका कयेका म्हितेगुली आनन्द ताया  
 चवंसा, गबलें स्वां थवया आनन्दं फेतुना स्वांमाः हना ववखाया  
 थःत थम्हं त्वः मत्वः स्वया दंग दग जुइक न्हिला न्हाला चवन ।  
 हानं गबलें ववं ववं छम्ह राजकुमारं हुँ खंला सिमा च्वे च्वे सुक  
 सालिक धका वयंसा मेम्ह राजकुमार 'गो जि मखं' धका हाला  
 वना चवन । थथे हे सुक, सालिक, कोकिल, मयूर, चक्रवाक  
 इत्यादि भगः पंछित बाजि बाजि अप्वः अप्वः थम्ह खका मेपिन्त  
 वयना न्हिला न्हिला ख्याः यायां वना छगू वनया दथुइ चवंगु पुखू  
 सिथे थ्यंकः वन ।

अनलि हानं लिपा उफोस्वां, च.स्वां थवल । व थ.थः फत्ति  
 फत्तले त्वइकथं बांला कथं छुत । थुगु हे कथं वने स्वम्हे आनन्दं  
 ख लहाना, गबलें बाजि चिना न्हयाइपुक ख्याः याना ववं स्वम्ह  
 राजकुमारपि भन हे वनान्तर दुने दुहाँ वन । लीपा आपाल थथे  
 थःत थम्ह मचायेक आनन्द म्हिता न्हिला ववं दूर वनान्तरे थ्यका  
 बल्ल दकसिबे त धीम्ह राजकुमार महाप्रसादया मती अय् थः  
 मंत्रीपि सहित सकलें शिकारे वःपि गन लातथेंधयाथें जुल । अले  
 थव खें स्वम्हसियां सल्हा जुल । हानं छखे लाःपि मत्री, शैन्य,  
 सिपाही नाप लायेगु मती तया गबलें थूखें वन, गबलें उखें वन ।  
 तर न्हयाक्क माःसां माः व लिसे तथें जुइक मलुसैलि इमि मती  
 ग्याःथे ग्याथे च्वना वल । अले दकसिबे तःधीम्ह राजकुमार

महाप्रसदं थः किजा महादेव व महासत्वया खा स्वया धाल—  
 'किजापि, भिपि आःला धार्थें दूर वनान्तरे लाः वार्थें चवन । थन  
 ला धुं आदि वनजन्तुया भय दु । जिगु मने ला ग्याःथें चवना वल ।  
 भोपि विनाश कारण थन सी माले फु ।'

महाप्रसादयागु खँ न्यने धुंका महादेवं थगु मनया खँ धाल,  
 'खः दाइ, जिगु मन नं आःला साव हे ग्यात । जि धाये जक  
 मछाला चवंगु खः । गुलि गुलि माला जुया नं छे लाःपि मंत्रो  
 सहित शन्य सियाहोत नाप मलात, उलि उलि हे जिगु मन ग्याना  
 वःगु खः । जिगु मने ला अक् भोस सुयागुं खाः स्वये मखंक प्राण  
 वनीगु जुल ला धयार्थें नं शका जुया वल ।'

दाजुपि निम्हसिगुं खँ न्यने धुंका महासत्व राजकुमार धाल,  
 'दाजु महाप्रसाद, दाजु महादेव, जिगु मने ला थुजागु भय छाया  
 धयार्थें विचाः व । जि स्वये ला भन थन दूर वनान्तरे भोसं गबलें  
 गबलें मखानापि ऋषि, मुनि, वपस्वीतयेगु दशन लाये फु । दाजु  
 महाप्रसाद, थव गुलि सुनसानगु थाय् ? थुलि मन हे याउंसे  
 चकिगु थासे अवश्य नं ऋषि, मुनि, तपस्वी आदि दइ । हान  
 थुजागु वनं हे ला मनूयात अनेक दुःख कष्ट जुइगुलि मुक्त याना  
 बीगु जात जातया वासः बीगु । जि ला उकि अक् भातचा उखे  
 वने वनेगु मन दु । हुंकेन अक् न्ह्याइपुसे चवर्थें चव ।'

महासत्व राजकुमार थुलि धया हानं वनया दुने पाखे वन ।  
 अले निम्ह राजकुमारपि नं वन । महासत्व राजकुमारं अनेक खँ  
 लहाना व ग्यानपुगु जंगले दाजुपित न्ह्याइपु खंका बीगु स्वल ।  
 थुकथं वव इपि वनया मूलगु ज्वले थ्यन । अन जबं खबं गुंखि व  
 पोमाया भाः जुया लंपु हे मडु । भाः खयना वना चवचवं तसक  
 त जागु छगू ज्वले मांघुं छम्हसिया मचा बुया चवगु खन । अले



महाप्रसादं लायूलाय् बुद्धये किजापि निम्हसित सता ज्वः पाखे  
पचिनं सुया वयंय धाल, 'स्वः, स्वः ! हुँकन ज्वले मांघुं छम्ह-  
सिया मचा बुइका च्वंगु खं ला ?

दाजुम्हसिनं वयंथासे स्वलं घात्थे महादेव व महासत्व  
राजकुमारपि निम्हसिनं नं धुँया मचा बुया च्वंगु खन । महादेव  
राजकुमार थ्व खनेवं थारा न्हुल । महासत्व राजकुमारया मने  
जरू करुणां जाल । छायाःसा व मांघुँया मचा बूगु खुन्हु न्हेन्ह  
तिनि दत्तथे च्वं । ग्याम्ह मछातये न दुरु त्वने मदया गुलि गुखे  
गुलि गुखे धुँया छचालं च्वना हाला च्वन । मांम्ह धुँ सने स्वये हे  
मफुगु रूपं गोतुला च्वन । म्हतु जक वां वां खाया थःगु न्फे  
पित्यागुलि थःत दाह याःगु वयना च्वन । राजकुमारपि स्वम्हसिन  
थ्व स्वया हे च्वन । स्वस्वं महादेव तीसक महाप्रसादया लिक्क  
स्याना च्वं वन । महासत्व जक थःत थम्ह हे त्वमंका मांघुँ व  
धुँया मचात पाखे मिखा फुति मयासे स्वया च्वन ।

राजकुमारपिसं थये स्वया च्वंक च्वकं मांघुँ तीसक दनेत  
स्वल । तर दने मफया गोतु वन । हानं पलख लिपा दनेत स्वल  
छम्ह थ हे मचायात वांन्यात । हानं भाराक्क गोतु वना मचा  
तोतल । थये गबले थः मचा नयेथे गबले लागिचाया दनेथे यायां  
व भूमं सने हे मफया वन । उखे मचातयेसं गबले दुरु त्वनेत  
दुरुपी चुचुयात, तर दुरु मवया लागिचाः पहलं मांम्हसिया म्हे  
म्हे गोतु वन । थुगु प्रकारं प्राणान्त पीडा जुया च्वम्ह मांघुँया  
दुःख, नये पित्याका च्वपि धुँतये कष्ट स्वस्वं महासत्व राजकुमार-  
या मिखाय् स्ववि लःलःमलः धाइ वल ।

महासत्वया मिखाय् स्ववि वःगु खना वयात सहानुभूति बीत  
महाप्रसाद धाल, 'घात्थे किजापि, थ्व धुँया मचा बूगु ता मदुनि  
खनि । न्हेन्हुति सिबे दइ मखनि । आः थ्व तसा माः वने मफया

च्वंम्ह्थे च्वं । नसा माः वने मफुत कि थ्वया प्राण वनीगु मखा जुइ । थ्वया प्राण वन कि हानं थुपि मचात गथे म्वाये फइ ?'

महाप्रसादया थ्व खँ न्यना महासत्वया मती वन, थ्वयात ला अवश्य नं प्राण रक्षा याना बीमाः । थथे मती तया महासत्व राजकुमार थः दाजु महाप्रसादयाके न्यन, 'अथे खःसा दाजु, धुँतये आहार छुछु खः ?'

महाप्रसादं लिसः बिल, 'वनजन्तु धयापिनि आहार धयागु जुइ हे छु फु ? वनजन्तु धयापिनि आहार धयागु हे ला हे जक जुइ सिबे, मेगु छुं जुइ मखु । उकि थ्व धुँ जि स्वयेला म्वाये फइ मखुत । अवश्य नं सिना वनीगु जुल । छायाःसा थ्व ला नये मदयेक बःलाना वइ हे मखुत, थ्व धाःसा भक्त सने मफुत, थ्वयात सु वया ला नकः वया च्वना । उकि थ्व धुँ नं सीगु जुल, थ्वया न्याम्ह मचात नं सीगु हे जुल ।'

महाप्रसादं थथे धुँया मृत्यु अवश्य हे जुइगु खँ धासेलि महासत्व राजकुमारं नुगलं फये मफुत । अयनं मनया खँ मने तुं तया महासत्व राजकुमारं थथे धाल, 'दाजु, थ्व संसारे पर प्राणिया रक्षा यायेया निति थःगु प्राण त्याग याइपि मदइ धयागु मदु, दये फु । भीपि ला थःगु हे जक प्राणया माया याइपि अज्ञानी मूर्खपि जुया जक थुजागु छुं याये मफु । हान थुजागु याये थाकुगु परोपकारया ज्या यात धाःसा हे जक आपालं पुण्य लाइ । धात्थे छम्ह मनूया प्राण वंसां हुँ खुम्ह धुँतये प्राण रक्षा जूसा व गुजागु पुण्य जुइ ?'

महासत्वयागु थ्व खँ न्यना महाप्रसाद राजकुमार हानं धाल, 'किजा, छं धाःगु खँ खःगु खँ खः । नु, थ्वया पुण्य बःलाःसा थ्वयात उजाम्ह धर्मात्मा वया प्राण रक्षा याना ब्यू वइ । मखुसा थ्वया कर्म गथे जुइ माःगु खः अथे जुइ । भी वने माल नु । भी

छखे लाःपि मंत्रो सहित शैत्य सिपाहीत फुक्कं लुइके मानि ।’

थः दाजुमा खँ न्यना महासत्त्व राजकुमार थःगु मनया खँ मने तुं तया दाजुम्ह नापं अनं वन । तर दाजुपि नापं वना च्वंम्ह महासत्त्व राजकुमारया मनं मनं थःगु खँ ल्हानावं च्वन । थ्वया प्राण रक्षा यायेत जि थःगु प्राण त्याग याये । थ्व शरीरया छु माया ? छुं उपकार धयागु याये मफुम्ह जुया ताकाल म्वायेगु स्वया ला उपकार याना सिना वनेगु हे वेश जू । चान्हं न्हिनं नया त्वना पुना छना आनन्दं च्वंसां छन्हु मखु छन्हु अवश्य नं थ्व शरीरया अन्त जुइ तिनि । जीवनयात न्हाक्क माया ममता याना च्वंसां थ्वं छन्हु मखु छन्हु मृत्युया लें लाका हे बी तिनि । थ्व शरीर अनित्य खः । अनित्यगु शरीर हे नं दुःखया खानि खः । हानं थ्व थम्हं धयार्थें मद्गु अनात्म खः । उकि सिना वने न्ह्यो छुं परोपकार आदि दान धमं याये मफुत धाःसा तर जन्म सितिकं वनी । हानं लिपाया जन्मे दुःख भोग याये माली । उकि थ्व बुढा जुया रोग कयेका आखिर छन्हु सिना हे वने मानिगु शरीरयात भिगु ज्याय् फुका छ्वयेगु उत्तम जू । हानं आःतले ला जि छुं छुं हे पाप कर्म धयागु यानागु मद्गुनि । म्वाना हे च्वन धाःसा छु याये मालि तिनि, छु याये मालि तिनि । उकि आः हे थ्व शरीर परोपकार याये फत धाःसा थ्व जन्म सार्थक जुइ । निसार जन्मं सार प्वःचीगु निति अले छाया लिचिला च्वनेगु ?’

थये अनेक मती लूम्ह महासत्त्व राजकुमारं थःगु ला नका मांथुंयागु व वया मचातयेगु प्राण रक्षा यायेगु मती तया घाल, ‘भो दाजुपि ! छल्पोलपि निम्हं वना च्वं । जि अन वने दुने वने ।’

थ्व खँ न्यना महाप्रसाद व महादेव राजकुमारपि निम्हं आश्चर्य चाया महासत्त्वया स्वाः स्वया च्वन । उकि महासत्त्व

राजकुमारं हानं धाल, 'जि थथे वये । वने हुने छेता वस्तु काये त्वमन ।'

थथे धाल नं महाप्रसाद व महादेव निम्ह दाजुपिसं नं थत छं मधासे थःगु ख्वाः जक स्वया च्वगुलि हानं महामत्व राज-कुमारं धाल, 'धाथे खः दाजुपि, जि छता वस्तु काये त्वमन । मांयात धका स्वां थ्वया माः हना तयागु स्वांमाः ला अनसं तोफित । छल्पोलपि बुलुहुं वना च्वं' जि स्वां कया लिलाकः वये ।'

महासत्वं थथे धाथे दुरुस्त जुइक धा गुलि महाप्रसाद व महादेव निम्हं राजकुमारपि पत्याः जुल । हानं 'अयसा का छ याकनं वा, जिपि थ्व हे लंपु' विस्तार वना च्वने' धका धया निम्ह बुलुहु छे स्वया वन, अले महासत्व राजकुमार जक न्हापा वनागु लंपु पाखे पलख खःथे च्वक ब्वां वन ।

थथे निम्ह राजकुमार छे छम्ह राजकुमार मेखे वना थवं थवे खने मदया वन । अले महासत्व राजकुमार जक तःधंगु पुण्य सम्भार छगू दइगु तोफी धका ग्याना ननानं मांधुंया व धुंया मचातये पित्याः प्याचाः तंकेत यःगु अनित्य शरीर त्याग याये मखनी धका मने धन्दा कया धुंया मचा बुइका च्वंगु ज्वले थ्यंक वन ।

ज्वले थ्यंका धुँतयेत छको महासत्व राजकुमारं करुणा दृष्टि स्वल । अले बिस्तार थःम्हं पुना तयागु वसः, तिया तयागु तिसा तोया रत्नया मुकुट नापं सिमाय् च्वे खाया निर्वस्त्र जुइ धुंका मती तल, 'थुगु जिगु दानया पुण्यं जि याकनं अनुत्तरगु सम्यक् सम्बोधि ज्ञान लाना संसारया सकल सत्व प्राणिपिनि उद्धार याये फयेमा' थथे कामना याये सिधयेका पर्वतया च्वकां ग्वार-ग्वार तुला ज्वले च्वंपि धुँतये लिक्क थः स्वयं कुतुं वया बिल ।

थथे थःगु लिक्क महासत्त्व राजकुमार कुतुं वःगु खना  
पित्या गुलि डाह जुया च्वंम्ह मांधुं नये धका स्वल तर अत्यन्त  
दूर्बल जुया च्वंम्ह मांधुं जुया दने मफया वाथा वाथा जक सना  
वां वां जक खाया च्वन ।

थथे धुँतये लिक्क वना बिया नं थ त नः मवागु खना हानं  
महासत्त्व राजकुमारया मती वन, 'अहो थुपि धुँला तःसकं हे  
दूर्बल जुया च्वने धुँकल खनि । उकिं जिगु शरीरे च्वंगु ला-हि  
नये मफुत । आः जि मांधुँयात नि थम्हसँ हे ला ध्यना मबिकं  
नये फइ मखुत ।' थथे मती तया उम्ह महासत्त्व राजकुमारं थःगु  
ला ध्यना बीत वने उखे थुखे छुँ शस्त्र माः वन । छायाःसा  
महासत्त्व राजकुमारयाके धाःसा तलवार आदि छुँ शस्त्र मदुगु  
जुया च्वन । शस्त्र मामां मामां लुइके मफया च्वंबले महासत्त्वया  
मिखा छमा वपिमाय् वन । अले व हे वपिमाया हयात खड्ग  
दयेका राजकुमार ज्वले च्वंम्ह मांधुँया लिक्क फेतू वन । अले  
थःगु शरीरे गन गन ला खाना च्वंगु दु, अन अनया ला ध्यना  
धुँया म्हुतुइ तया बिल । महासत्त्व राजकुमारया शरीरे उखें थुखें  
गन गन ला ध्यने छि अन अनया ला ध्यना नकावं च्वन, थुखे  
मांधुँ नं भतिचा ला-हि शरीरे क्वहाँ वसैंलि बःलाना बल । अले  
राजकुमारं थःगु गःपते किया हि पिकया मांधुँया म्हुतुयाथाय् थःगु  
घाः याना गोतुला बिल । धुँ गपतेया हि त्वना हानं भच्चा बल  
दसैंलि दना महासत्त्व राजकुमारया ला थम्हं हे नल । मचापि  
धुँतयेसं नं मांया ल्यूल्यू वना ला-हि भति भति नल । महासत्त्वया  
ला प्वाः दंक नये धुँका धुँ बिस्तारं वनया दुने मचात नापं ब्वना  
दुहाँ वन ।

थुखे महासत्त्वया प्राण त्याग जुइवं तसकं भूकम्प जुल ।

इन्द्रादि देवलोकाया देवतापिसं महासत्त्व राजकुमारं थ गु ला थम्हं  
 ध्यना नका च्वगु महान तःथंगु त्यागया अभिनन्दन यासे अन स्वां  
 वा गाका हन । गुलि देवतापिसं धन्य धन्य महासत्त्व राजकुमारया  
 दुष्कर चर्या धका प्रशसा याना च्वन, गुलि देवतापिसं धाःसा  
 गुगु कामना याता थयिजाःगु दुष्कर चर्या यात व कामना याकनं  
 पूर्ण जुइमा धका आशिका याना च्वन ।

महाप्रसाद व महादेव निम्ह राजकुमारपनि मती जक गवेत नं  
 महासत्त्व लिहाँ मवःगुलि शका वन । थुवले हे भूमि कम्प आदि  
 घटना जूगुलि महाप्रसादं थःगु मती लूगु खँ थः किजा महादेवयात  
 धाल, 'भा किजा महादेव, महासत्त्व आः तकं भोत लिलाकः मवः ।  
 थ्व पृथिवी नं थपाय्मकं कम्प जुन । सप्त सागरया लः हे, उठल  
 पुठल जुल जुइ । सूर्यया किरण हे भिगू दिशास खने मदयेक छकलं  
 ख्युँया वल । हानं आकाशे नं नाता प्रकारया बाजा थाना हःथें  
 च्व । थ्वया लक्षण गय् खः ? महासत्त्व धाःसा आःतकं लिहाँ  
 मवः । जि स्वये थन छुं छगू अवश्य नं जुल जुइ ।'

दाजुम्हसिगु थुजागु वचन न्यना महादेवं धाल, दाजु मेगु ला  
 छुं मखु । भोसं महासत्त्वयात लिहाँ वने बियागु जक स्यन ।'

महादेवया थ्व खँ न्यना महाप्रसादं हानं धाल, 'व हे ला  
 धयागु महादेव ! वं भोत ह्येका लिहाँ वना, धुँतयेत ला ला ध्यना  
 नका मच्चं ला ? जिगु मने ला शंका जुल । न्हाचः भी ज्वले  
 च्वे च्वना खँ ल्हानाबले नं वयागु ख्वाले करुणां जायाच्वन । वया  
 मिखाय् ख्वाबि लःलः धाल । जिके वं धुँया आहार छु छु खः धका  
 न्यंगु ला छं नं लुमंनि जुइ । जि अबले हे वयागु नुगः गुलि  
 जक व्वातु धयार्थे मती वगु खः तर अय्मं वं अथे छुं याइ

धयार्थे मने शंका मजू । बरु आः जिगु मने छगू शंका जुल ।  
नु झो निम्हं लिहाँ वना छकः स्वः वने । ’

थथे निम्ह राजकुमारपिनि थवं थवे खँ लहाना मने आकुल  
ब्याकुल जुइका ज्वले स्वः वन । निम्हं राजकुमार अन ज्वले थ्यका  
स्वःबले इमिसं मांधुँ खँके मफु मचापि धुँचात नं खँके मफुत ।  
उकिं हानं निम्हं विस्तार ववे ज्वले ववहाँ वना स्वःबले उखे  
थुखे हिम्याः जुया च्वंगु सँ व ववे आदि चिच्चा दना च्वंगु खन ।  
थ्व खना महाप्रसाद वं महादेव निम्ह राजकुमारपिनि मती भन  
हे सन्देह जुल । मिखाय ख्वबि नं स्वः स्वः बल । अथे नं थ  
किजा महासत्व मखयेमा धसार्थे मती भाःपाः उखे थुखे महा-  
सत्व दु ला धका स्वः जूबले छमा सिमा च्वे थः रिजाया मुकुट  
सहित फुक्क तिसा वसः खाया तःगु खनेवं निम्ह राजकुमारपि  
नं कलिलमा गोतुलीथे हा मकागु तःमागु सिमा तस्तक ग्वँफय  
वइबले गोतुलिथे मि मलखं कःगु पीडा सहयाये मफुम्ह मनु  
छगू चित्कार याना भाराक्क गोतुलार्थे गोतु वन ।

उगु निर्जन वनान्तरे मूर्छा जुया घोटूवंपि निम्ह राजकुमार-  
पि अर्थे मूर्छा जुया च्वन । सुं वया मूर्छा व्यंका व्यू वःगु मखु ।  
लिपा अर्थे स्वयं हे मूर्छा व्यसैलि नुगःपाय् वूबू स्याना तःसक हे  
विलाप यात । तःतःसकं ख्वये फक्क ख्वया हानं ख्वख्वं तःतःसक  
हाला च्वन, ‘हे किजा महासत्व, छ जिमित ह्येका थुलि तक याइगु  
मती मतया । छं जिमित स्वांमाः कयाहये त्वःमन धका ह्येका  
जिमित तोता थथिजागु कष्ट छाया नया ? छाया छं थथे जिमित  
वाना वना ? छ गन वना ? हे महासत्व, आः जिमिसं लायकुलो  
लिहाँ वना मां-बौयात छु धका बिन्ति यायेगु ? गथे याना

चित्त बुझे यायेगु ? हे महासत्त्व, आः छंगु ख्वाः गन वना स्त्रः वनेगु ? हाय हाय, छं छाये थथे महा अनर्थ याना ? अहो, छं थथिजागु वने वया छु याना क्यना ? थथे हाला खखख खखख हानं सह यानां सह याये मफया मूर्छा जुया वन ।

लिपा हानं स्त्रयं चेतना दया बल । फुक्क दुःखं वच्यु वयेवं सह यानां सह याये मफया अथेसं थथेसं मदयेक सना गबलें वें ग्वारग्वार तुला खल, गबलें थःगु तुगः पाचे थम्ह तुं दाल । हान खखखं हाला च्वन, 'अय् महासत्त्व, छंगु ख्वाः गथे त्व-मके छगु गुण गथे लोःमंके ? छर्थे जाम्ह किजा मदयेका जिपि जक गथे छं लिहाँ वने ? हानं हे महासत्त्व, थ्व समाचार सिल कि मां-अतुं गथे याना जक धैर्य याये फइगु खः ? जिमिसं थ्व खँ गथे कने ? हा हा दैव, छ थथिजागु वियोग क्यना थथिजागु दु ख वी धका मताः । वने आनन्द तकतिनि तर्क जिमि स्वम्ह गुलि न्हिला न्हिला वया च्वना, आः छम्ह जक थुलि याकनं छाये बाये माल ? थुकथं महाप्रसाद व महादेव निम्ह राजकुमारपि नाना प्रकारं हाला विरह याना च्वन ।

थुखे तपि राजकुमारपि माला च्वंपि मंत्री शैन्य सिपाहीत ज्वः भाः आदि छुं छु हे वास्ता मयासे गन्धमान पर्वतया उखे थुखे चाहिला जुल । थथे राजकुमारपि मामां मलुया केके च्याना च्वगु तुगः भन अक्समात् भूकम्प जूगु, आकाश ख्युंगु आदि याना मन पिपि च्यात । अले ला प्राणया हे माया-मिया मकासे उखे थुखे राजकुमारपि मा वनेगु यात । थथे हे माः ववं ववं महाप्रसाद व महादेव राजकुमारपि खया च्वंगु ज्वःया भति लिक्क थ्यनेवं मनू-या ख्वः सः इमिसं ताल । मनूया ख्वः सः तायेवं सिपाहीतये भति मने सन्देह जुल । हानं थवं थवे खँ लहात, 'थन जा मुं बिलाप



याना च्वंगु त.ये दु । थुजागु दूर वने सु विलाप याना च्वनी ।  
अवश्य नं भोसं लुइके मफया च्वंपि भी स्वम्ह राजकुमारपि पित्याना  
प्याः चाया उकीसं लँ द्रना ग्याना खया विलाप याना च्वंगु  
जुइमाः ।' थथे खँ ल्हाना खः सः वया च्वंगु ज्वः पाखे स्वस्वं सकलें  
वने दुहाँ वन ।

ज्वले थ्यंका स्वलं धात्थें महाप्रसाद व महादेव निम्हं व्हाँय्-  
व्हाँय् खया च्वंगु । महासत्व राजकुमार छम्ह जक खने मडु ।  
हानं लिपा महासत्वया फुक्क मुकूट स्मेतं वसः सिमाय् खन ।  
मेखे उखें थुखें हिभ्याः व सँ व्वें आदि खनेवं निम्ह राजकुमारपि  
छु खँ कने मफयेका खया च्वगुलि छुं छुं खँ धाहे मघासां  
थुइका सह याये मफया मत्री शैव्य, सिपाहीतयेसं नं राजकुमारपि  
नाप नापं तुं महाविलाप यात ।

गुलि भति ज्ञान दुपिसं धैर्य याना राजकुमारपि निम्हसितं  
धैर्य बिया जूगु खँ न्यन । जूगु खँ न्यने धुका गुलिसिनं धन्य  
धन्य महासत्व राजकुमार गुजाम्ह दयावान धका धाल । गुलिसिनं  
भन् थुजाम्ह राजकुमारं भोत तोता वन धका विरह यात ।

अनंलि महासत्व राजकुमारया अस्ति फुक्कं छथाय् मुंका  
राजकुमारपिन्त धैर्य बिया मह'सत्वया तिसा वसः फुक्कं ज्वना  
सकलें थःगु देश पाखे स्वया दुःख पूर्वक लिहाँ वल ।

थुखे महासत्व राजकुमारया मां सत्यवती रानी थःगु अन्त-  
पुरे थः न्यासः सखिपिसं चाहीका आनन्दं दाना च्वन । थथे  
दाना च्वम्ह रानी थःगु शरीरे च्वगु दुरूपा निपां कुतुं वन,  
थःगु म्हुतुइ च्वंगु वा हाया वन, थःगु छँ लहिना तयापि बखुंत

स्वम्ह पाखाया सोथे म्हिता च्वनं अकस्मात् छम्ह सतांवा वया  
छम्ह बखुं दाया यन, म्ह छम्हं मुलुं सुयाथे कण्ट जुल धका  
मभिक म्हगसे खना हे च्वगु खः महासत्त्वं प्राण त्याग यायेवं भूकम्प  
जूगुलि न्ह्यल चाल ।

थुकथं म्हगसे म्हना च्वंगु व अवानक भूकम्प न जूगु संयोगं  
याना महारानी सत्यवतीया मने आपालं सन्देह जुल । म्हगसे म्हंगु  
नं थथे भूकम्प नं जुल थथे आः थुकिया फल छु जुइगु खः, जि  
काय्पि धाःसा वन विहार आः तले लिहां मवनि धयाथे धन्दा  
जुया मन मनं जि काय्पि स्वम्ह सकुशल लिथ्यक वयेमा धका  
आशिका याना च्वन ।

महारानीया ख्युंगु ख्वाः स्वया छम्ह सखि बित्ति यात,  
'भो रानी, थौं छल्गोलया छाया थपाय्सकं ख्वाः ख्युंका विज्याना?  
सखिया खं न्यना महारानीं धाल, 'भो सखि, थौं जि म्हगसे  
नं गबले मखनागु कथं म्हना च्वन । अकस्मात् भूकम्प नं जुल ।  
उकिं जिगु मने ला आपालं आकुल व्याकुल जुया च्वन ।' महा-  
रानीं थथे धाये धुंका हानं छको भसुका तया सखिम्हसिया ख्वाः  
स्वया धाल, 'सखि, उकिं आः भो सकनें महाराजयायाय वने नु ।  
अन जि यःगु खं बित्ति याये ।'

अले धात्ये सत्यवती महारानी थः सखिपि नापं जुजुयाथाय्  
वन । वना बित्ति यात, 'भो महाराज, भो स्वामो ! कुमारपि  
स्वम्ह वन-विहारे वंषि आः तकं लिहाँ मवःनी । जि हानं थौं छना  
च्वनावले गबले हे म्हगसे मम्हंनिगु कथं म्हगसे म्हना च्वन ।  
जिगु दुरुपा निष्पां कुतुं वन, म्हुतुइ च्वंगु वा फुक्कं हाया वन, छे  
लहिना तयापि स्वम्ह बखुं पाखा सोथे म्हिता च्वनं छम्ह

मनांचा वया छम्ह बळुं दाया धन, हानं जिगु शरीरे मुलुं सूथें  
वेदना जुल धका जि म्हगसे म्हना चवन । हानं महाराज, थौंया हे  
दिने भूकम्प नं जुल । जिगु मने ला शंका जुल । थ्व स्वप्नया फल  
छु जुइगु खः जित कना बिज्याःसा जिगु मन शान्त जुइ ।’

महारानी सत्यवतीं थथे ब्रिन्ति याःगुलि जुजु महारथया मने  
नं सुख मदया वन । हानं महारानीयात अथे लिसः वो थथे लिसः  
वो मदया ज्योतिष पण्डितपि सःतिके छ्वत ।

ज्योतिष पण्डितपि वयेवं जुजुं महारानीया म्हगसे म्हगु व  
जूगु खँ फुकं कना थुकिया फल छु जुइ धका न्यन । ज्योतिषपिसं नं  
वांलाक विचाः याना त्याः याना स्वये थुंका जुजुयात ब्रिन्तियात,  
‘भो महाराज, थ्वया लक्षण ला भिं खने मदु । शोक फये मालोगु  
भय दु ।’

ज्योतिषया पाखें नं थुजागु भविष्यवाणी न्यंकूसेंलि महाराज  
व महारानी निम्हसियां भन अने अनेगु कथं संदेह जुया थःथःगु  
नुगले आपालं खँ ल्हात । हान बारंवार भसुका तया चवन ।

थुकथं मने भय व सन्ताप जुइका चवना च्वंम्ह रानीयात  
हानं छम्ह सखि व्वां वया पिने न्यना वःगु खँ ब्रिन्ति यात, ‘भो  
महारानी, थौं जि पिने वना वयाबले पिने प्रजापिनि खँ ल्हाना  
चवगु दुःखया छता खँ न्यना वया । ख.ला मखुला जक जि मस्यु ।  
पिने ख निं राजकुमारपि स्वम्हं वन विहारे वंपि तन धाःगु न्यना ।

थः सखि थथे जक छु ब्रिन्ति याये सिधल महारानी सत्यवती  
मिखाय् ख्वबि जायक तया जुजु महारथयाथाय् थ्यंकः वन । मने

अनेक दुःख जुझका चवंम्ह महारथ महाराजयात हानं थथे घाल,  
 'भो महाराज, भो स्वमी, जि कार्यापि स्वम्हं वन विहारे वंषि तन  
 धाःगु न्यना । थ्व खँ खःगु खःला मखुगु खः । छल्पोल धा सा  
 आनन्दं विज्याना चवन । धात्थेंया खँ छु खः कना विज्याये माल ।'

रानीया खँ न्यना जुजु नं छकल सिमां कृतुं वःम्हथें जुल ।  
 अथे न थःम्ह रानीयात हथाय् चाये मत्थ, थथें सिपाही छ्वया  
 लिःस कया बी धका धैर्य बिया थःथाय् चवंम्ह कोतवाल सःतल ।  
 कोतवाल वयेवं जुजुं तुरन्त राजकुमारपिनिगु खबर हयेगु निंति  
 सिपाही छ्वयेगु हुकुम जुल ।'

रानी धाःसा हानं जुजुया खाः स्वया खवखं विन्ति यात  
 'महाराज, जि मचातयेत अब्रश्य नं छुं जुल । जि थीं म्हगसे नं  
 अजागु मभिगु खना । आह, भिगु फल ला धात्थें थ्व म्हगसे म्हंगु-  
 लि कयनी मखुत । जि अजागु मती तये हे मफुगु खँ धात्थें जुया  
 वसा महाराज, व जि गथे जक सह यायेगु ? थ्व हे शोक व चिन्ता  
 धात्थें धात्थें नं जिगु प्राण वनीगु जुल ।'

रानीयागु थुजागु विलाप पूर्ण खँ न्यना जुजु महारथं छुं हे  
 लिःसः बी मफया त्वल्हें जक स्वया चवन । रानीया विरह स्वयां  
 स्वये मफया गुलिं सखिपि अनसं चवना खल. गुलि गन वना ख-  
 वन । महारानी स्वयाव चवंगु स्वये मफया थःगु दुःख चोका जुजुं  
 हानं महारानीयात घाल, भो प्रिय, आमथे छाया छ अर्धैर्य जुया ?  
 थथे खबर ह हे हइ ।'

महारानीयात थथे धैर्य बी धुंका थःगु मनं नं सह याये मफु-  
 सैलि मंत्री सःता हानं आज्ञा जुल, 'मंत्री, थथें वनान्तरे वना राज-

कुमारपि स्वम्हं व्वना हति ।'

मंत्री जुजुया आज्ञा शिरोपर याना आपालं शैन्य सिपाही व  
प्रजापि मुंका वनान्तर पाखे स्वया वन ।

राजकुमार माले धका वंपि मंत्री प्रमुख शैन्य सिपाहीतयेसं  
गंधमान पवते हे न्हापा वना लिहाँ वया च्वंपि शैन्य सिपाहीत  
मह राजकुमारपि निम्ह नाप लात । अन नं न्हापा वना वःपिसं  
लिपा वःपित महासत्वं ला-हि दान याःगु खँ कनेवं कं लिसे कं पि  
व न्यं लिसे न्यंपि खवल ।

अनंलि हानं कथनं धैर्य याना सकलें हानं लाय्कू पाखे स्वया  
वल ।

थुखे महारानी जक याकनं समाचार सीकेगुली मन हथाय्  
चायेका च्वन । पलख पीगु नं दै पीथें जुया अधैर्य जुया महारानी  
थ हे लाय्कुली तले वना स्वया च्वन ।

उखे छ्यों व्वछुका दुःखी जुया सकलें वया च्वंगु महारानी  
सत्यवतीं स्वया च्वने हे मफुत । व्वां व्वहाँ वया जुजु महारथया  
न्ह्योने थ्यनेवं भाराक गोतू वन । अले मूर्छा जूम्ह रानीयात लखं  
हाहा याना मूर्छा ब्यंका बीवं महारानीं ख्वख्व थःगु नुगः पाय्  
थम्हं दाया 'हाय पुता जि काय्पि' धका जक हाला च्वन ।

थःम्ह महारानीया थुजागु विरह खना जुजुया मनं नं सह  
याये मफया स्वयं थः हे धात्थेंगु खँ सीकेत लाय्कुलि पिहाँ  
बिज्यात । पिने राजकुमारपि नापं लिहाँ वया च्वंपि प्रजापि नाप  
लायेवं धात्थेंगु खँ सीकेत जुजु न्यन नं प्रजापिसं व धाये थ्व

घाये मसिया राजकुमारपि लें बिज्याना चवंगु दु धका जक ब्रिन्ति यात ।

पलख लिपा राजकुमारपि नं तापाकं निसें वःगु खने दत । तर राजकुमारपि निम्हं खवखवं खवये मफयेका थः अन थ्यं थन थ्यं घयागु स्मेतं होश याये मफयेका दुःखया वेदनां तःस्वाना चवने स्मेतं मफयेका मंत्रीपिनि म्हे भोसुना वया चवगु खः । थुकथं ववं जुजु महारथया न्ह्योने थ्यनेव अबुया खाः खनेवं छकः हानं भूमी भोसुना व्हाँय् व्हाँय् खल । महारथ महाराज छम्ह राजकुमार मखना न्ह्याक्क थःगु नुगले दुःख जूसां धैर्यं तया वने जूगु खँ कं धका धाल न निम्ह राजकुमारपिसं नं खव जक खवया छुं हे कने मफु । सकल शन्य सिपाही प्रजापिसं नं जुजु व राजकुमारपिनिगु दुःख स्वये मफया गुलि अनस फेतुत, गुलि लिफः स्वया खबि हुया चवन, गुलि गुलि खवया खवया गोगो तू वन ।

थुजागु दुःखया समये महासत्व राजकुमारया मुकूट सहित तिसा वसः जवना वःम्ह छम्ह मन्त्रीं नं जुजुयात वसः लःल्हाना बी मफुत । अवःवतं जुजुयात धैर्यं बीत ब्रिन्ति यात, 'भो महाराज, महासत्व राजकुमार गन नं मवं । थन हे दनि । भतिचा खवयेगु दिना बिज्यात धासा एकान्ते जि ब्रिन्ति याये ।'

मंत्रीयागु थुजागु ब्रिन्ति न्यना जुजु महारथं धाल, 'भो मंत्री, छ जित छेके म्वाः । बरु वनया वृत्तान्त फुक कने माल । थन जिम्ह निम्ह राजकुमार जक ववना छिपि छाया वया चवना ? महासत्व राजकुमार ख ? छु छिमिसं वयात जंगले लुइके हे मफुत ला ? अथवा वनजन्तुं जकं महासत्व राजकुमारयात छु

यात ? जित याकनं जूगु खँ व्याकनं कने माल ।’

जुजुया थुगु आज्ञा न्यनालि अले उम्ह मंत्री बिस्तारं विन्ति यात, ‘भो महाराज, दुःख ला तसकं हे दुःखया खँ जि छल्पोलयात विन्ति याये माल । तर अथे नं राजकुमारया प्राण विनाश कारणे वंगु मखु । राजकुमारपि स्वम्हं वने दुने चाह् वंबले छगु तःधंगु ज्वले छम्ह धुँया मचा बुया शरीर अत्यन्त दुर्बल जुया च्वगु खः । नये पित्यागुया कारण थःम्हं वुयेकापि मस्त हे नं नयेथें याना च्वंगु खः । थ्व खना भी राजकुमारया नुगले करूणां जाया वल । अले दाजुपि नापं थुखे वये धुँका नं हानं अन छता वस्तु काये लोमन धका धया थः याकःचा लिहाँ वन । अन महासत्व राजकुमार उम्ह मांघुँ सहित मचापि न्याम्ह धुँया प्राण रक्षार्थ थःगु ला-हि दान यात । उकिं भो महाराज, जि अज्ञानीया विचारं स्वये ला भी, राजकुमारं भीत ज्ञान बियेत दान याना विज्यागु खः । छल्पोल निम्ह राजकुमार पिनिगु खाः स्वया धयं याना विज्याये माल ।

थथे मंत्री महासत्व राजकुमारया बयान याना हे च्वन तिनि महारथ महाराज अनस हा चाना तःगु सिमा गोतुलीथे गोतुला मूर्छा जुया वन । अले मंत्री आदि सकसिनं खः उँसे च्वंगु लः हा हा याना लः त्वका तुरन्त जुजुयात चेतना दयेका बिल । हानं नाना प्रकारं धर्य बिया विन्ति यात, ‘भो महाराज, छल्पोलं हे आमथे विरह यायेव महारानी व राजकुमारपिन्ति सुनां धर्य याकीगु ? महासत्व राजकुमारं ला परप्राण रक्षा याना विज्यात आः हानं निम्ह राजकुमारपित गुलि जक दुःख मन जुइका तयेगु ?’ थथे नाना प्रकारं विन्ति यायेवं जुजुया मने खः धयाथे

चवन । दुपि निम्ह राजकुमारपि नं किजाया शोके ख्वख्वं वनं थन  
थ्यंक वःवले तकं गुजागु जुइ धुंकल, हानं थुमि न्ह्योने जि  
ख्वया ख्यनेव ला थुपि नं ख्वख्वं हे विनाश कारणे फुना वनी ।  
थथे विचाः याना निम्ह राजकुमारपिन्त नं धैर्यं बिचा थःगु  
लाय्कुली दुहाँ वल ।

महारथ महाराज प्रमुख राजकुमार, मंत्री, सैन्य सिपाही  
फुक्कं लाय्कुली दुने थ्यका निम्ह राजकुमारपि सरासर थःमां  
सत्यवती महारानीयाथाय् दर्शन यायेत वन । महारानी अन्तपुरे  
दुने वःपि महाप्रसाद व महादेव निम्ह राजकुमार जक खनेव  
मचा तंम्ह किसिथें हाला नाना प्रकार विलाप यात । महारानी  
सत्यवती थथे ख्वःगु खनेव राजकुमारपिसं नं सह याये मफया  
हानं थःपि नं मां नाप तुं चवना वहाँय् वहाँय् खवल ।

थथे सकलें ख्वया चवगु खना पण्डित पुरोहितापसं महारानी-  
यात अनेक किसिमं धैर्यं याना बोध यायां बिन्ति यात, 'भो  
महारानी, छल्पोलं अथे विलाप यायेव थन गथे जुइगु छकः  
नं ला विचाः याना बिज्यायेमाः । छल्पोल ख्वःगुलि धैर्यंयाना  
वये धुंकूपि राजकुमारपि हानं अधैर्यं जुया वन । स्वया बिज्याहुं,  
राजकुमारपिनि शरीर गथे जुइ धुंकल । महासत्व राजकुमारं  
तोता वन धयां हानं थुमि निम्ह राजकुमारपि नं छुं जुल कि  
गथे यायेगु ? उकि भो महारानी, थम्हं नं धैर्यं याना राजकुमार-  
पिन्त नं बोध याना बिज्याये माल ।

पुरोहितपिनिगु थुजागु खँ न्यने धुंका धात्थें खः धयाथें  
मत्ती तया निम्ह राजकुमारपिन्त नं महारानी सत्यवतीं अत्यन्त  
माया याना ह्मेकल ।

पलख लिपा महारानी सत्यवतीं हानं तीसकं न्यन, 'बाबु,



महासत्वयागु खँ जित धैर्य तया कना हति ।'

तर महासत्वयागु नां काये मात्रं हानं निम्ह राजकुमारपिनि मिखां ख्ववि अथे हे भय्भय् बिना पिहाँ वल, गथे छां तज्यायेव लिक्कुना च्वगु लः वाः वइगु खः ।

थथे वनया खँ थथे अथे घका छुं घाये न्ह्यो हे मिखां ख्ववि स्वःस्वः वयेकूगु खना रानीया नुगले तःसकं करुणा वना घाल, 'छाय् छिमिसं जित थथे विरह क्यना ? धैर्य या । जिगु दुःखयात भन दुःख जुइक छिमिस जित ख्वया क्यना च्वने मत्य । विलाप जक याना छिमिगु शरीर हे गथे च्वने धुकल स्व ।'

थथे थमामं आपालं माया याना धैर्य बिसेलि राजकुमार-पिसं भति सह याये फत । अले वनया खँ बुलुं मांम्हेसित कन, 'छु याये मां, किजा महासत्वया नुगःया वयान याये घाःसा गथे जक याये । जिपि स्वम्हं न्हापां वने म्हिता च्वना । स्वां थ्वया, मोल्हुया नाना रस रंग यायां वने दुहाँ ववं दूर वनान्तरे जिपि लाः वन । थुखे मंत्री, शंन्य सिपाही खने मंत । इमित मामां वना च्वच्वं भभं जिपि दूर वनान्तरे लाःवन । उगु दूर वनान्तरे छगु तःधंगु ज्वः दुगु खः । अन ज्वले छम्ह धुंया नकतिनि मचाबुइका च्वंगु जुया च्वन । व सने स्वये हे मकया नये पित्याका च्वन । अबले महासत्वं जिके न्यन, थ्व धुंया आहार छु खः ? छु याये, जि नं व थीं थथे याइ मताया । जि तःप्यंक हे सिंह, धुं भालुतये आहार ला बिना मेगु छुं जुइ मखु घका घया । अले लिपा वया नुगः मछिकूथे च्वना जिपि स्वम्हं अनं लिहाँ वयेत स्वया । व नं जिपि नाप नाप हे वल । तर ले वव अक्समात् 'घाः जि मांयात घका हना तयागु स्वांमाः कया हये ल्वःमन, दाजुपि वना च्वं, जि व्वां वना स्वांमाः कया हये, घका घया व हानं लिहाँ वने त्यन ।

जि न खः धका चवना । छु याये मां जि हे अवले मूर्ख जुया वयात  
लित छवया । नत्र महासत्व अथे गन याये फइगु तर जि अवले  
थुजागु मती हे मलू । लिपा लिहाँ वना स्वांमाः काःदम्ह गवेत  
नं मवसेलि तिनि मने शका वन । अले जिनि निम्हं हान लिहाँ  
वना स्वयावले ला अन धुँ व धुँया मचात मदया चवन । वयागु  
वसः तिसा सिमाय् खाया तल, ववे व सँ चिचवा दना चवन, उखें  
थुखे हि खने दया चवन ।’

थथे महासत्वया करुणाया वयान यागु न्यना महाराज व  
महारानी प्रभृति फुकक प्रजापि आश्चर्य चाया महासत्वया करुणाय्  
धन्य धन्य महासत्व राजकुमार धका धाधां शोक यात । थुजागु  
शोकया समये राज पुरोहितपिसं नाना शास्त्रादिया महिमा कना  
संसारया अनित्यताया उपदेश बिया सकसितं धैर्य बिया चवन ।’

छु समय लिपा महारथ महाराजया मती वन, एजाम्ह करु-  
णावान राजकुमारया अस्ति अर्थें जंगले वांछवया तयेला योग्य  
मजू । उकि आचार्य पुरोहितपिके सत्ला कया अस्ति प्रतिस्थापित  
यायेत सुवर्णया चंत्य छगः दयेका छःहुया दिने नाना मंगल वाद्य  
थाका फुक प्रजापि स्मेत व्वना गंधमान पर्वते विज्यात ।

गंधमान पर्वते वव व हे महासत्व राजकुमार प्राणत्याग यागु  
बनान्तरे लाःगु ज्वले थ्यनेव महाराज महारथ व महारानी सत्य-  
वतीं स्वल गनं सँ व ववे लाना चवंगु, हि-हा किना चवंगु, गनं  
महासत्व पर्वत कुतु वःगु चि आदि खनेव हान सह याये मफया  
वन हे थक्क बिलाप यात । मती मती थथि जाःगु वने वया गथे  
दुःख सिया प्राण तोतलथें जक वना गुलि धैर्य बिल न धैर्य याये  
मफया हानं छको मूर्छा जुया वन ।

महारानी थथे मूर्छा जुयेवं पुरोहित ~~जाःगु~~ ~~दयि~~ ~~स~~ ~~खाउँ~~ लखं  
म्हे हा हा याना लः त्वंका मूर्छा पयना बिल । हानं जुजुयात विन्ति

यात, 'भो महाराज, थथे जक विलाप यानां गथे याये माःगु उ याये सिधइ । याकनं अस्ति मुंका मुवर्ण चैत्य तोपुया मा गु प्रा स्थाया पुण्य याये माल ।'

अले जुजु महारथ थःगु मनयात थःम्हं हे धैर्य विया अर् दक्क मुंका अष्ट धातु नवरत्न चतुपस्ति विहितया सुवर्णया च तोपुन थथे चैत्यं अस्ति तोपुइ धुंका धोज पताका व्वयेका । थासे महासत्त्व प्राण त्याग यागु खः अन हे माःगु विधि विध याना चैत्य स्थापना यात ।

थुगु प्रकारं चैत्यया प्रतिस्थापना सिधये धुंका थुगु चैत्यय 'नमो बुद्धाय' चैत्य धका नामकरण नं यात ।

थुगु प्रकारं थःगु नुगःचु सिवे न यःम्ह काय् पराणीया उद्ध यायेत महात्याग याना वंगु दु ख व पुण्यया सस्मरणे चैत्य स्थाप यायेगु पुण्यकार्ये यात । अनलि थतः थत थम्ह थम्ह बोध या जुजु, महारथ महारानी सत्यवती, राजकुमार महाप्रमाद व मह देव सहित मंत्री शैव्य सिपाही प्रजाजन सकलें नाप थःगु दे गंधवती पुरे लिहाँ बल । हानं थः काय्या नामं माक्क दान पु यौना थःगु दुःख सह यायां कालान्तरे सकलें थःथःगु कर्म अनुस सुगति सद्गति वास का वन ।

भगवान बुद्ध थथे महासत्त्व राजकुमारया जीवनं दानप मत्थ पारमिता पुरे याःगु महासत्त्व राजकुमारयागु जीवन चर्य कना बिज्याये धुंका आनन्दयात सम्बोधन याना आज्ञा जु बिज्यात, 'भो आनन्द, अवलेया महासत्त्व राजकुमार जुया च्वा मेपि मुं मखु जि हे खः ।'

## ग्रामणेर सुदर्शनया सफूत

### धार्मिक-साहित्य

- १) भारते बुद्ध धर्मया उत्थान व पतन ( अनु० )
- २) अमृतमय मौन
- ३) बौद्धधर्म हे मानवधर्म ( अनु० )
- ४) महामंगल
- ५) महासत्त्व जातक

### नाट्य-साहित्य

- १) अम्बपाली
- २) राष्ट्रपाल
- ३) जुजु जयप्रकाश-प्रेसे
- ४) भूल
- ५) सिद्धार्थ
- ६) विश्वासघात
- ७) पटाचारा
- ८) विम्बिसार
- ९) प्रतिशोध
- १०) आशंका
- ११) समाधान
- १२) विजय

प्रकाशनया ले